


Castelli Danielis Lugubris metamorphosis

PANEG. et VITAE
Polon. Fol.
№ 1460.



LVGVBRIS METAMOR PHOSIS

Amplissimorum in Ecclesiam Dei & Regni Poloniae
Rempubicam meritorum;

Illustrissimi & Reuerendissimi Domini

D. I O A N N I S
T A R N O W S K I

Diuinâ olim prouidentia

ARCHIEPISCOPI LEOPOLIENSIS

Perpetui Abbatiae Clarae Tumbae Administratoris
Vulgo Mogilensis. &c. &c.

Peraugusto Capitulo, Nobili Senatui, Amplissimo Scabinatui,
Spectabili Quadraginta Virorum Numero, omnibusq;
Ordinibus, & Populo Urbis Leopoliensis, Pastoris
sui amantissimo, exhibendorum:

Luci publicae, maestissimo impoliti calami stylo,

D V M

EIVS MORTALES EXVVIÆ

Magno omnium Statuum & Ordinum Archidicec: Leopoli:
In cadauerosi tumuli foueam, ad Ecclesiam Metropol.
Leopoliensem: imponentur:

A

M. DANIELE CASTELLI
Philosophiae in Vniuersitate Academiae Cracouiensis Doctore,
Scholae Metropolitanae Leopoliensis
RECTORE

Cum debito posthumae memoriae obsequio
Anno Domini, 1669 Die 17 Septembris

EXPOSITA.

LEOPOLI, Typis Collegij Societatis IESV,
Imprimebat Simon Praskiewicz.

IN
S T E M M A
Venerabilis Capituli Leopoliensis.



22109^{III}

Ne fors Virginei violentur LILIA prati
Hinc LEO Virgineos excubat ante pedes :
Dum ROSA crudeli Libitina carpitur vogue,
Non lacerat saxas, heu ! LEO dente manus.

Penillustribus: Reuerendissimis & Admodum Rēdis Dñis.
D. C A N O N I C I S
ET PRÆLATIS
Peraugusti Capituli Leopoli:

Nobilibus, Clarissimis & Amplissimis Dominis
D. P R O C O N S V L I
C O N S V L I B V S

*Atq; plurimum Honoratis Viris Scabinis,
Et Spectabili Quadraginta-Viratu Vrbis Leopoliensis
Ob mortem Pastoris sui mæstissimis
Auctor Apostrophen elicit.*

*Q*uam in animo vestro, profundius defixam habetis Illustrissimi & Reuerendissimi Domini **IO ANNIS TARNOWSKI** memoriam, Augustis Nominibus Vestris Proceres Amplissimi consigno. Iactura hæc Libitinae nulli parcentis non aliter rependi potuit; quam literatis à morte vindictis, eius Viri; ex cuius ultima periodo, **TERRARVM RVSSIÆ METROPOLIS**, magno dolore Pastoris sui Vigilantissimi, Metamorphosis lugubris assumpsit faciem. Meus certè tenuis calamus, prodire in conspectum vestrum, quo nihil gratius oculis meis exoriri potest, non auderet; & potius ad tanti Viri occasum frigidior marmore obrigesceret; nisi à me fascēs Regiminis Scholastici tenerentur. Amisit vestra inclita Vrbis Leopoliensis, omnis benignitatis, summae bonitatis, Odoriferam Rosam, quæ in amenissimo Viridario Christi commemorantes Oves mirificè recreabat. Quare ut patrociniū exilis Camena inueniat, ad Vos omni venerationis cultu Proceres Dignissimi confugit: & in sinu vestro cum debita animi propensione, Vir-
tutum

tutum radices redolentia Rosa ad nunquam morituram memoria
famam collocat. Atq; ut altam Originem Sanguinis Illustrissimæ
Familie TARNOVIA NÆ transmittat, facundam facun-
dis Viris silentio inuoluit. Effloruit Ille inuiolato fidei Christianæ
nitore, multiplici sapientiâ, rerumq; difficultum peragendi dexteri-
tate toti Orbi Polono inclaruit. Ignoscet proinde summi iudicij
Vestri ratio, quodsi non omnium Virtutum ob angustiam temporis,
in Roxolanis finibus suauiter olentis Rosa explicabit specimina:
in cuius funebris pompæ apparatu, non tam illorum dignitatem,
quàm meritorum plenum Archiepiscopum insinuo. Commemoratio
profectò impolito stylo tanti de Ecclesia Dei meritissimi Pastoris,
transibit ad futuri æui recordationem, cordisq; vestri mestissimum
torcular erit, qui firmissimum iubar Archidiœcesis Leopoliensis,
& eximium decus per augustæ Urbis Vestræ extitit. Cum itaq;
iucundo conspectui vestro, à Musa mea iusti doloris post obitum
pyssimi Archipræsulis, iustum deponitur monumentum, felicitati
adscribit: quòd, quem Pastorem dilexistis, eum, inenarrabilis
Virtute condecoratum Archipræsulem perenniter habituri estis.

Procerum Patriæ meæ

Humillimus

Seruus

M. DANIEL CASTELLI

Philosophiæ Doctor, Scholæ Metropol:

Leopol: Rector.

ALLUSIO
In Gentilitium Urbis Leopoliensis
LEONEM.



Dum LEO Rusiacum de montibus aspicit Orbem
Mortem cum turba videt adesse sua:
Hanc mox in propria meditatur claudere Turri,
At mors ablata fugit ab Vrbe ROSA.

B

IN

*In Gen
Vrb
Leop*

In Gen

IN
 Illustrissima & Antiquissima
 DOMVS TARNOVIANÆ
 INSIGNE.



*Vernat in autumnno, cali plantatus in horto,
 FLOS, ex autumnno Ver fecit ergò nouum:
 Non sic Assyris redolebant balsama terris,
 Thus, & odoriparum Lechia temne solum:
 Fragrat enim pulchris longè ROSA suauius herbis,
 Vincit & externas FLOS Hic odore ROSAS.*

PANEGYRIS

Quantum Patriæ meæ charissimæ, sit inflitum vulnus, deflendo vberiori lachrymarum copiâ Illustrissimi & Reuerendissimi **ARCHIEPISCOPI** occasa: illius tantum vacillat ingenium, qui impiè vehementi furore iræ exarsus, aduersus piissimum **ARCHIPRÆSVLEM**: Eius, post decretoriæ horæ ineuitabilem periodum, penitus memoriæ deperdit recordationem. Si etenim flexanimæ suadæ impolita Euterpe mea Archipræsulis Vestri excelsa eximiarum virtutum specimina explicare conabitur? profectò non confidendo à natura viriû suarû inditis conatibus cum Phætonte corruet: si plenitudinem meritorum errantis Lyra Polihymnia tanti de Republica Viri enarrare ausa fuerit? tangendo immaturum adhuc barbiton cum Atlante deficiet: Si deniq; tenuis Minerva nouo quodâ styli genere dicendi oscitantis calami pennam excitare voluerit? satius illi rectum suadet iudicium vt domestico non exeat angulo. Ne, vel stolidus lugubrem scriptionem meam subrideat Cyppus, aut multiplici scientiâ perpolitus excandescat Hortensius, si deuia ab hoc publico emporio recederet illa, indeq; ipsi violatæ Rhetoricæ adscriberetur dies. Quis alius nominis cômendatione conscendere hoc altissimû Archiepiscopalis honoris fastigiû, præter **IOANNEM TARNOVIVM** dignior fuit? cuius luce meridianâ clariora præclare factorum argumenta, ad æuiternæ posteritatis duraturum Mnemosynon succedentibus in hoc Subselio Archiepiscopali, extiterût. Capiebant ingentem non mediocriter felici aduentu Eius, Incolæ Urbis Leopoliensis lætitiâ: quòd, cum admirandæ Virtutis ornamentis condecoratum Virum, hilarali susceperint vultu. Gloriabatur certè sapientissimus Laureati Leonis Ordo Senatorum, quòd, veram Ideam Sedis Apostolicæ repræsentantem

tantem Archipræsulem speculabatur. Exilire etiam semper videbantur in Oris Roxolanicis Dynastæ: quod, istius dignitatis Gubernacula, tanquã de se meritissimo fuerint concessa. Ipsi Primi Sacrorum Præsides, exemplarem Virum IOANNEM TARNOWSKI, tanquam speculum lucidissimum intuebantur, eumq; sui indulgentissimum Parentem & Archipræsulem diuinitus datum iure consociato agnoscebant. At nunc Ecclesia Leopoliensis Metropolitana supremo orbata Capite! Peraugustum Capitulum amantissimo in Diuino Cultu promouendo destitutum Patrono! Ciues inclytæ Urbis Leopoliensis eximium decus amiserunt! Consanguineorum oculi largioribus guttis lachrimarum irrigantur! & tota Archidiæcesis cum Clero Leopoliensi, iacturâ ac vltimâ Vitæ periodo Parentis sui, in mæstissimi incidit doloris labyrinthum! Quod si concitatori impolita Musa impetu progrediatur, cognosceret certè, iustè, morte salutaris Pastoris, tanquam Vigilantissimi verâ luce fidei Christianæ illuminatarum Ouium Custodis, demissis oculis vagabunda Archidiæcesis incedat. Habebant namq; exploratum, qualem Pastorem pacatiori hoc Statûs Reipublicæ tempore, post Felicem Electionem Serenissimi Principis MICHAELIS KORYBUTH, cælesti demissum Olympo ingenti cum luctu perdidit. Omnes mirandum in modum lamentabilem cum miserabili Niobe tragediam agere & in sudantia marmora verti sepulchrali tumulo adstantes intuentur; ex oculisq; cum Heliadibus humantes distillant latices. Quem Tragicum Actum cum concitatori calamo scrutatur, non mediocre sibi elicit dubium: Cuiam iustissimum dolorem in funebri pompæ apparatu mederi debeat? vtrum deuotis Archidiæceseos Leopoliensis Oculis? An vobis in peraugusti Capituli Corona existentibus? Vtrum principium Genealogiæ è Linea antiquâ Domûs TARNOVIANÆ ducentibus? An in numerofo Illustrissimorum Heroum; tam currulia Senatoriæ dignitatis, quàm Supremas Exercituum præfecturas tenentibus? Quo-
rum

rum Augusta Nomina dum in reminiscentiam reuocat,
tum vel maxime Archiducesim Leopoli regimini pie de-
functi Aristitis subiecta, de fatali hora conqueri videt. Co-
gnouit proculdubio Proceres Amplissimi, si expandi vela
Orationis eius patiamini, ut gratia Vestrae fauorabili Fa-
uonio ad exoptatum propoliti perueniat terminum; Vi-
gilantem circa Oule Christi Pastorem. Ac ut verum fa-
tear neminem latere potest, quod, dignum memoria
Archipraesulem, aeterni Immaculate Concepta, Dei Spon-
sa, in altissimo Archipraesulij honoris officio memorabi-
lem ceteris Pastorem, ad dirigendum sanguine pretioso
emancipatas Oves, collocari: Ut salutiferis I E S V
C H R I S T I mandatis vagabundos, in viam mille votis
desideratae Patriae manes, adduceret. Dicam (pace ali-
orum Sacrorum Praesidium) quis Virorum istud Subse-
lium eminentiae Archiepiscopalis ob merita sancta con-
meruit? nonne IOANNIS TARNOWSKI Archiepi-
scopi Leopoliensis inenarrabilis Virtus? qui in viuido ad-
huc iuuentutis flore, vigili studio artium honestissimarum
disciplinis deditus, adeo in earum progrediebatur passu,
ut apicem summum scientiarum vnanimi omnium voto-
rum calculo videretur possedisse. Non illum importunae
iuuenilis aetatis occupationes, a suscepto perdiscenda-
rum artium proposito amovebant; sed tanquam egregiae
indolis a generositate non recedentem nativus redolentis
Rosae stimulus, ut latu vnguē ab illis non cederet, con-
citabat. Non ipsum mollia blandimenta, & ut verius di-
cam deliramenta, suis auuleis, ruinam adhuc immaturae
aetati minantibus detrudere attentabant: tutatrix pro-
bitas Eius, quam cum lacte Parentis indulgentissimae
candida ROSA fuxit, ad istā vix tollerabilem animi com-
pensationem, non fallaci expectatione illustris; Familiae
TARNOVIANAE ducebat, dirigebat, excitabat. Istis
itaque naturae beneficio cohonestamenti inbutus, cum
imaginem summæ bonitatis Tarnouiana ROSA obtinue-
rit, salubri consilio Maiorum suorum, ut Ecclesiae Dei
& dulcissimae Patriae, velut alter Polonus Hercules pro-
desse

desse possit, mox in faciem Orbis publici erupit. Atq;
ne segni torpesceret otio ad inuictissimum REGEM
Poloniæ Sigismundum III. tanquam tutissimum firma-
mentum diuertit: in cuius splendide ædificatis aulis, Sa-
pientiæ thesauro adeò præfulsit; vt meritò cum Sceptro
Regali præsidentis Principis animum in amorem sui at-
traxerit. Vidit apertissimè Sigismundus REX quan-
ta vis ingenij, quàm altissimum rationis iudicium, ad
obeundum in Republica officia, maximè tamen in pro-
mouendo Ecclesiæ Dei cultu in ipso valuerunt. Nec
delusus intentionis suæ animaduersione erat, dum emeri-
tum ad Canonicatûs Cracouiens: prærogatiuâ destinauit.
Quis enim Hæreseos maleuolentiâ infectæ plebis præter
TARNOVIVM fuit repressor? profectò Ipse genui-
nus extincor? Quis in honorem Dei dicatæ Ecclesiæ
defensor? quâ in Generalibus Regni, quâ in priuatis Co-
mitijs, extitit? dum sædatis errorum inquinamentis, re-
gnante Sigismundo Rege in Prælatura Canonicatûs Cra-
couiensis exstans, fortiter repugnauit. Conatus omni-
um virium suarum eò dirigebat, vt in primo gradu Ec-
clesiam Dei ab impetu insensissimorû hostium defende-
ret. Testes sunt huius Ecclesiæ Cathedralis Cracouiensis
Canonici, testis Academia Cracouiens: cuius ille semper
acerrimus defensor extitit, maluitq; prius vitalem spiri-
tûs auram finire, quàm minimâ Matris Academiæ iacturâ
videre. Agnouit totius Christianitatis primaria Vrbs Ro-
ma, in nuce Rosæ nitore Virtutis eximie radices, inibi-
q; Iuris vtriusq; Doctoratûs insignia IOANNI TARNO-
WSKI in spem promouendi & defendendi cultûs Diuini,
cum applausu contulit. Quàm verò felici fortunæ alcæ
Archidiaconatûs Cracouiensis gubernacula sub tempus
Inuictissimi Vladislai IV. in Throno Regiæ Maiestatis
præsidentis, administrabat; angustia citò labentiû dierum
& acceleratio funeris, explicare non permittit. Narrent
aliorû characteres quàm multoties in sapientissimo, debi-
tam iustitiæ administrantis æquitatem Confessu Tribu-
nalis, saluberrima consilia velut ab altiori Sapientiæ fonte
educere.

educebat, illorumq̃, proficua sententiam per Venas Pa-
 triæ fidissimo ductu trans mittebat. Edisserat fertilis He-
 roû Regni Poloniæ Senatus, quoties IOANNES TAR-
 NOWSKI arduis boni publici negotijs vltro suam salutē
 exponebat. Speculabatur IOANNES CASIMIRVS
 Princeps, Alti Sanguinis & Virtutis in hoc TARNO-
 VIANÆ ROSÆ Flore, Candidæ mentis specimina,
 Ipsumq̃, ad plantandam Vineam Christi, cum Dei prima-
 riò & post summi Pontificis ALEXANDRI VII. Gra-
 tiâ in Archiepiscopatûs Sedem destinavit. O felix tum
 temporis, Princeps Terrarum Russiæ Vrbs fortissima &
 sapientissima Leopoli, sydus tuum fuisse liberè dicam!
 quæ antè quindecim annos, ob admiranda in Ecclesiam
 Dei & Rempublicam Poloniæ merita Insignem Archie-
 piscopum suscepisti. O Pastorem æternæ memoriæ
 commemoratione dignissimum! in cuius vita pijsimè
 transacta, integritas inuoluta Fidei Christianæ in Roxo-
 lanicis Oris enituit. Effloruit Vigilantissimo Sacer Pa-
 store Clerus, Virtutisq̃, perfectionem & Sacramenta piè
 administrauit, ac Schismatum tenebras amænissimo hor-
 to Christiano abire quodammodo fecit. Nemo certè
 in hac Clarissima Metropoli Russiæ reperiēbatur, qui,
 ad fascēs Archiepiscopalis honoris obtinendos, com-
 muni voce populi, consentaneis Ciuium Votis, maxi-
 moq̃; Sacerdotum desiderio, veluti alterum Moylen aut
 Aaronem diuturnis annorum lustris Archiepiscopum
 viuere, non affectaret. In istius Vigilantissimi Pastoris
 singulari patrociniō sicut forti Achyllis clypeo, inclyta
 Vrbs Leopoliensis conquiescere exoptauit: quia regnan-
 te dexterâ Eius, in flore ac pristino vigore, se mansuram
 non dubia spe præsenſerat. Eheu amissionem Metropo-
 lis Russiæ in diuino cultu promouendo Supremi Sacerdo-
 tis spiritum feruentissimum! in defendendo patrocini-
 um! insignem in ornando magnificentiam. Perdidit Sa-
 cer Cysterſiensum Ordo perpetuâ dignam commemo-
 ratione Rosam IOANNEM TARNOWSKI,
 cuius semper desideratam Præsentiam, pro summis

in Basilica Mogil^{en}si habebant delicijs, quem vnanimi
votorum suorum desiderio, in perpetua Abbatiæ Claræ
Tumbæ Administratione, mille candidos numerare cum
Polycrate apprecabantur dies. Destituta est Academiæ
Stanislauiensis Colonia, ab Illustris: & Excellentis-
simo Domino ANDREA POTOCKI Palatino
Kijouiensi erecta, fauorabili in augendo Protectore.
Quotiescunq, expostulabant in finibus POKVCLÆ ha-
bitantes ab hoc pijsimo Pastore, veram Dei cognitionē;
doceri eos per Sacros literatorum Ordines, apprecans
ipsis æternæ felicitatis coronam, Vigili studio curabat.
Ille acsi Augustissimum lumen Ecclesiæ Dei Diuus Au-
gustinus, frigidiora marmore maleuolorum pectora, per
Diuinos Præcones ad amplectendum virtutum studia sti-
mulabat. Ille acsi Ambrosius maleuolorum hominum
ægritudini, cælestes ambrosias suauolenti sermone suo
propinare, intuebatur. Quid dicam de afflictis? quid
de summa inopia pressis? nonne Ille ex deuotissimo pie-
tatis spiritu radios beneficentiæ suæ in eos diffundebat.
Non in sinu liberalitatem genuinam Nominis eius pro-
genitricem commendandam, quæ non solum in visceri-
bus Regni Sarmatici perennatura, sed extra fines Patriæ
fontem perennem gloriæ, tanquam TITI VESPESIA-
NI, elargientem IOANNIS TARNOWSKI
manum, productura est. Taceo amorem electo DEI
populo semper à piè defuncto Antistite pro sua mirifica
officiorum promptitudine multoties exhibitum. Præ-
termitto admirandam erga Immaculatè Conceptam Dei
Sponsam quotidianam deuotionem: cum mei sit muneris
de Diuinis aut parum aut nihil dicere. Nequidquam dico
de prudentia, religione, iustitia, alijsq; infinitis animi
& corporis dotibus. Difficile autem est non modò verbis
exequi, sed etiam ipsâ diligentiori mentis cogitatione
consequi: quomodo in Angelica fermè canitie Vigilan-
tissimus Pastor Vegetam peragendo senectam, de vltima
vitæ periodo claudenda sollicitus fuit; cum ne minimum
quadrantem à meditatione Mortis recessit. O verè aureo
notandum

norandum lapillo Archipræsulem! instante illâ decreto-
riâ horâ, quam vnusquisq; viuentium ex infallibili sen-
tentia Supremi Iudicis expectat; Deo glorioso deuotum
suum spiritum commendauit, sicq; & dispositè iuxta Ri-
tum Romanæ Fidei Catholicæ, & piissimè vltimum vitæ
terminum Antistes finiuit. Proh dolor crudelem
immanis Proserpinæ manum! quæ gemmeam pietatis &
deuotionis Insulam Vigilantissimo Pastori rapuit: in
summæ perfectionis figura Vigilantiæ Galerum, quo ab
æstu inimicitiz commisso sibi gregi vmbram faciebat,
deposuit: Sacratum sacri regiminis pedum, quo aber-
rantes Christi Oues dirigebat, detruxit: purissimo Di-
ui Petri Pallio quo Prælatos ad Dei obsequia potenter
muniuit, Archiepiscopum sanctitatis vestigia imitantem,
orbauit, spoliauit. Heu lingua quomodo tantam iactu-
ram Archidiazcesis Leopoliensis posteritati commenda-
bis! Heu quâ vi imbecillis ingenij tui in marmoribus
excisa, in tabulis exculpta, post decessum è viuis Illustris-
simo & Reuerendissimo Domino IOANNI TAR-
NOWSKI, pones trophæa & emblemata: siquidem
Ille splendore suo & gloriâ, suâ dexteritate & providen-
tiâ, reddidit Archidiazcesim Leopoliensem perfectiorem.
Reerudescat potius in te post Cladem dolor, induat tri-
stem colorem tenuis tua Eloquentia, & Vos Proceres Pa-
triæ, in funebralibus Illustrissimi & Reuerendissimi Do-
mini IOANNIS TARNOWSKI Exequijs,
Zelosissimum Fidei Christianæ Propugnatorem, mise-
rorum promptissimum Auxiliatorem, Virtutum omnium
tenacissimum Obseruatorem, lamentamini. Cùm ipsa
Organa ad perpetuam rei memoriam, sub Felicissimis
auspicijs Illustrissimi & Reuerendissimi Dñi IOAN-
NIS TARNOWSKI in Ecclesia Metropolitana
Leopoliensi exposita, lugubrem morte eius Metamor-
phosim assumere videntur, suauiterq; sonantes fistulæ cum
suo Fletu, nil nisi lamentabilem fletum ad busta eius cau-
sare audiuntur. Occubuit in ipso Occasu solis, TAR-
NOVIANÆ Domus ROSA quæ Margaritis la-
pidibus

pidibusq; maximi pretij & suauiter olentibus Virtutum
 flosculis contexta fuit. Hæc ergo omnium de Ecclesia
 Dei & Republica Polona pijsimi Antistitis meritorum
 plenitudo, ne, in Vestra Amplissimi Proceres occidat
 recordatione, poscit à vobis mercedem cunctarum Vigi-
 larum suarum; quibus tot annis velut salutaris Christi
 Medicus medebatur. Vigeat in recenti IOANNES
 TARNOWSKI memoria Vestra, eiusq; Nominis
 commemoratio ita celebretur, vt extingui nunquam pos-
 sit. Fruatur hoc solatio ad præsens ARCHIEPISCO-
 PVS defunctus, vt quoniam in continuo circa Oule
 Christi tractu vitam extendebat suam, eius gloriosæ
 Virtutis fama cum labenti annorum serie prorogetur.
 Nunc verò quia Dei voluntate Illustrissimus & Rndmus
 Dominus IOANNES TARNOWSKI ad me-
 tam inuitabilis peruenit mortis, Ei trophæum
 beatæ immortalitatis erigendo, Lucis inces-
 sabilis claritudinem apprecamur

D I X I.



*Excellentis Sni Sni Danielis Castelli
 Leopoldensis Philo Doctore
 labor.*

m pr

7. 11. 42



Biblioteka Jagiellońska



stdr0016721

